







本冊目次

書名及撰人

卷次

頁次

明詩綜一百卷目錄三卷 清朱彝尊編

卷二十八至卷五十七

四九二一

欽定四庫全書薈要

集部
明詩綜卷二十八

詳校官編修臣王天祿

欽定四庫全書薈要卷二萬五百一 集部

明詩綜卷二十八

翰林院檢討朱彝尊編

悅六首

悅字民懌常熟人舉成化乙酉鄉試除泰和訓

導遷長沙通判調柳州有思玄集王元美云桑

博徒家無擔石一擲百萬胡元瑞云民懌高

自矜詞其詩體格卑弱可謂大言無當俞汝

成云思玄居士負氣自高凌厲一世其詩賦類

欽定四庫全書

明詩綜
卷二十八

復不

靜志居詩話民懌說易謂萬物莫逃乎數說詩
謂刪後無詩率本堯夫之餘唾其於律呂亦拾
蔡氏之陳言才識平平爾乃敢大言述道統論
則曰夫子傳之我作學以至聖人論則曰我去
而夫子來居然以孟子自況而非薄韓子比其
文於小兒號嘔其在長沙著庸言自謂窮究天
人之際非儒者所知而曰吾詩根於太極天以
高之地以下之山以峙之水以流之庶物以飛
潛動植之日月宣其明雷霆發其震雨露播其
潤澤散之則同元氣流行收之於心發之於言
被之管絃則可感天地動鬼神乾坤毀日月息
詩迺收聲復歸太極其言大而夸狂也幾於悖
矣

感懷

逝日不可追誰能駐光景春陽媚花草荏苒歲華冷威
鳳德未成颯立丹山頂路逢清冷泉徘徊照孤影
東園有奇花容姿鮮灼灼雖是春風開亦是春風落甘
霖被郊原蔓草輕蘭葯所以高岡松無言倚寥廓

住龍福寺

龍福山虎形有寺枕山陲僧衆暗吞噬一二留披緇自注

形家言法堂久欹傾羅漢無完肌空階劃鳥跡香案縈

如此

明詩綜
卷二十八

二

蛛絲我了催科業僧榻苦栖遲月黑響蝙蝠風定聞狐
狸微官責聚斂百賦皆有期長沙病逋負此州更難醫
譬如理亂髮恐傷首中皮膏油漸浸潤緩緩施梳篦審
知曠厥職恬退乃其宜妻孥先遣發岳麓不日辭幸逢
中丞賢加禮免鞭笞言語如春溫勉令撫瘡痍徘徊不
忍去我亦為我嗤憶昔少年日許國師皋伊豈知坐冗
職出納伍有司與民算升斗瑣屑誠堪悲登山拜虞舜
臨淵弔湘纍終當拂衣去涕洟陳吾詞

題鳳洲草堂效吳體

江水四面圍高丘草堂結在丘山頭頻經春雨打不漏
苦耐秋風吹未休枕邊驚聞櫓聲過檻外俯看雲影浮
我約吳郎來借住并吞沙草占溪鷗

過十二磯在梧

亂石危磯急瀨聲扁舟汎汎水中萍月當秋夜十分白
天到遐荒一倍青引路哨船鳴鼓吹前山軍堡出旗旌
回頭便有開懷處無數峰巒列翠屏

欽定四庫全書

明詩綜
卷二十八

三

題畫

浮雲出沒吞遙岑小亭日日巢秋陰美人如玉不可見
松子自落空山深

懷遠道中

蓬蒿沒馬路通身在野真為草莽臣莫道先生無武備
前驅負弩盡鄉人

文 洪 三首

洪宇功大長洲人成化乙酉舉人署涑水儒學

教諭有括囊藁

詩話長洲文氏世載其德希素先生實始之句如野猿窺落果林蝶戀殘花自得翻書趣渾忘對客言饒有恬澹之致傳之交木甫田高曾之規矩不改也

睡起

寂寞掩林扉東風晝方永睡起落紅多斜陽半樓影

南行舟中

露白沙涼月滿空雁聲歷歷度西風客程尚與鄉關近歸夢如何便不同

欽定四庫全書

明詩歸
卷二十八

四

訪徐尚容

虎谿谿上草堂閒千樹江梅香藹間欲向南枝問消息東風吹我過西山

羅倫一首

倫字彝正永豐人成化丙戌賜進士第一授翰林修撰坐論事貶泉州市舶副提舉尋召還復職改南京有一峰集

詩話一峰以論南陽奪情事謫廣東市舶副提舉實學士陳文所畫策也久之復官南陽已謝

節婦歌

世既而文死薛御史之綱作詩誚之曰九原若見南陽李為道羅倫已復官然李公賢相贊裕陵釋建庶人居之鳳陽許其自便即此一事啓沃已多亦未可輕訾也一峰專心理學詩不與韻士爭長而集中紀夢詩多至三百餘首難乎免於癖矣

泉流不歸山雨落不上天妾心死不回金石無其堅白日經中天飄忽沈西海妾心日不如瞳瞳光不改明月揚清輝三五二八圓又虧妾心月不如耿耿無虧時憶妾二十春結髮事良人安知三載後羅帷生素塵懷中五歲兒零落重悲辛吾聞陳孝婦夫死養姑心愈固朱幡入奏丹書來黃金北斗高門戶又聞杞梁妻慟哭梁山傾精神變天地黃土非無情妾髮可剪妾頭可截妾心之白不可涅

欽定四庫全書

明詩歸
卷二十八

五

詩話一峰節婦歌初不詳姓氏別本或加張字或以為節婦甄氏作誤也詞亦小異

程敏政

九首

敏政字克勤休寧人成化丙戌賜進士第二授翰林編修進左春坊左諭德兼侍講歷詹事府

少詹事兼翰林侍讀學士掌院事遷禮部右侍

郎卒贈尚書有篁墩正續

李時遠云篁墩著述甚富體格不高

詩話篁墩數與西崖酬和集中存詩數千究乏警策至其緝錄諸書若明文衡新安文獻志甄綜有法餘如宋紀受終考宋遺民錄皆有功史學獨是議孔廟祀典而屏鄭康成不與未免過於刻薄若夫蕪氏椅杭一編謂眉山父子罪浮於王安石蓋借文公難學辨而周內之其意第欲為伊川復讐不知徒貽有識者笑也

懷平江伯陳恭襄公

赴赴陳將軍平江始開國小年八石弓勇氣屢破賊

欽定四庫全書

明詩綜
卷二十八

六一

逢中興主得附昇雲翼當宁念豐鎬京邑望南北安得蕭與韓晏歲足兵食將軍家合肥老大諳稼穡一朝被簡知舞蹈奉明勅建牙淮水陽諸路盡承式孜孜竭衆智疏鑿靡餘力殿庾便交輓隄埝濟危嗇艘舸隨淺深湖灞幾通塞百年民力蘓萬里海濤息居然奠東南不復困供億將軍去幾時寢廟見顏色火旗與雲馬夜下不可測父老說遺事往往動遐憶征夫多苦辛國本在培植賢孫今代將當復守成則東風吹客衣清口日初

吳公忠夙所欽再拜續銘刻

蹋車行

田夫蹋車如蹋弩田婦蹋車心更苦老天不雨將奈何稻隴看看作焦土我行見此三歎息欲助農忙恨無力假令一早似往年豈獨憂貧復憂賊我雖七尺金紫身聖恩許作歸耕人詩書不了餬口計與爾將來同苦辛擊鼓揚旗禱神福且莫先憂食無粥賢侯恤民天所憐好雨時來歲還熟

欽定四庫全書

明詩綜
卷二十八

七

功臣廟下作

雞鳴山側英雄坊朱門半掩青松長功臣廟食自洪武下車進謁開中堂元勳佐命推六王儼然並坐徐與常左李右鄧沐最少霜鬢獨見東甌湯秉圭服冕垂衣裳異姓聯翩如雁行公侯十六分兩傍金貂玉帶相輝光辦香一炷三歎息却走苔堦觀畫廊竭從真主興濠梁長江飛渡入建康血戰往往皆鷹揚當時陳冠號最強諸軍一劔番水陽不日降旗來武昌神威自此若破竹

僭竊次第歸天亡按圖未取東海方下令先縛鹽城張
遠清閨廣服蠻徼繼下滇蜀連氏羌東南略遣瘡痍息
幽燕直北消欖槍妖氛淨掃奠八荒乾坤一統成帝鄉
九州入貢紛梯航文孫繼承萬億載諸將之功何可忘
禮官四時奉蒸嘗令典與國同無疆摩挲丹青落日黃
一時際遇思明良陸機有頌媿莫續風雲颯爽天茫茫
暮雨野泊

黑風摧山雨如注未到下邳無泊處暗中雜還人語聲

欽定四庫全書

明詩綜
卷二十八

且逐淮南漕舟在淮南漕舟三百強粉字舵樓成堵墻
輪更轉箭鎮相續似覺人人嫌夜長滅燭悠然倚牀坐
遠村曙雞聞一箇前途早有役夫來岸東相呼岸西和

送黃欽都閩出守洮河岷三州

前歲平遼過海東今年分陝駐湟中三城斥堠提封遠
千里蕃戎節制通開府欲施經濟策留屯先上便宜功
從來禦侮須才俊莫向沙場歎轉蓬

度東山嶺

石橋駐馬問田翁一塢深深隔樹東帝子閣前沙似粟
埜神祠下路如弓疎松古磴風微動細草陰厓雪半融
回望紅塵才數里不知身在亂山中

海子

十里城陰道西湖一派分秋晴沙岸尾時見白鷗羣

送克寬弟南還至茶菴獨歸

垂野陰雲一望迷送行愁問路東西不知幾日黃梅雨

門外青泥沒馬蹄

欽定四庫全書

明詩綜
卷二十八

九

題小景雜畫

綠樹蕭然蔭草亭酒船安近蓼花汀分明一夜溪頭雨
洗出春山數點青

莊景五首

景字孔暘江浦人成化丙戌進士改庶吉士授

簡討以諫謫桂陽判官遷南京行人司副終南

京吏部郎中天啓初追謚文節有定山集

李世賢云

定山詩好用乾坤字楊用修云定山早有詩名頗有絕可笑者如太極圖兒大先生帽子高

贈我一壺陶靖節還他兩首邵堯夫又贈我兩
包陳福建還他一匹好南京聞者捧腹然晚年
詩入細竟有可並唐人者俞汝成云莊定山
詩雖不步武唐人而去時調則遠王元美云
莊孔陽佳處不必言惡處
如村巫降神里老罵坐

詩話涉義仍好填詞人或勸之講學湯云僕終
身言之顧諸公勿省耳諸公所講者性僕所言
者情也古哉言乎自昔衣陳詩章甫雅言昔
之聖賢類不廢詩至曰女心傷悲殆及公子同
歸又曰其新孔嘉其舊如之何抑何其婉曲入
情也自堯夫擊壤而後講學母復言詩言詩輒
祖堯夫遂若理學風雅不並立者然一峰康齋
白沙定山咸本擊壤而定山尤甚所謂太極圖
兒大先生帽子高等句不一而足以為詩其
去張打油胡釘鉸無幾矣甘泉從而輯之以詔

欽定四庫全書

明詩歸
卷二十八

十

學者謂非此則與道學遠也然則打油釘鉸反
為近道之言而詩三百篇春女秋士之思皆可
置勿錄也竊為理
學諸先生不取也

憶舍弟

天邊聞一雁杳杳向南徂今夜西風冷他鄉小弟孤五
人千里去九月一書無欲作千行淚憑誰寄客途

題畫

遙山青兩峰老樹紅一葉我懷不可羈月明江獨涉一
空江下
明月

送博羅何孝子

白酒江門暖北來風正寒釀方君不錄明日寄書難

釣魚圖

溪上春雲與浪飛溪頭春水鯊魚肥野人只是閒無事

日出船來月出歸

寄壽州廖同知

江鄉煙景不須爭客裏風花亦有情我見白頭張汝弼

今年又在壽春城

欽定四庫全書

明詩歸
卷二十八

十一

黃仲昭一首

仲昭名潛以字行莆田人成化丙戌進士改庶

吉士授編修坐諫鰲山煙火予杖謫湘潭知縣

遷南京大理評事進寺副乞休弘治初起江西

提學僉事尋致仕有未軒集劉玉執云先生遺
文闡諸理者微微

諸事者核模寫窮物象
之真吟咏得性情之正

詩話僉事以詞臣建言宜有巖巖氣象而詩特
和易近人其謫居寫懷也有云一片歸心留不
住非因故國有尊鱸其歸田雖咏也有云悔殺
昔年成底事紅塵鞭馬聽朝鐘其澹於世味也

可見已初自號未軒羅彛正謂曰君之未余知之吾道未至於孔孟吾功未至於伊周吾民未至於唐虞君之未也若士未大夫大夫未公卿則衆人之未也晚居下皋築俱樂亭更號退巖居士云

明妃詞

風起龍堆滿面沙舉頭何處望中華早知身被丹青誤但嫁巫山百姓家

章懋一首

懋字德懋蘭谿人成化丙戌進士累官南京禮

欽定四庫全書

明詩綜卷二十八

十三

部尚書贈太子少保諡文懿有楓山集

詩話楓山自言不工於詩故集中存者甚少嘗見思陵御書一幅詩云未央鐘動曙光生隱隱初聞柳外鶯風靜御爐香篆細日高斧聲衣明塙頭陞擁黃麾杖豹尾班聯白玉珩最喜及時勤庶政蒼蠅聲裏聽雞鳴真跡存高上舍佑紀處觀者疑爲思陵御製實楓山集中詩也惟及時二字集本作君王御筆更之是楓山一集曾歸乙夜之覽矣附識於此以當開寶舊事

遊牛首山和沈仲律韻

乘興來山寺清尊共解顏院深春晝永香裊午風閒短屐行應遍危欄倦亦攀白雲飛不定何處是鄉關

張弼十首

弼字汝弼松江華亭人成化丙戌進士授兵部

主事轉員外出知南安府有鶴城東海二橐李

之云東海詩清鍊脫俗力追古作其自評書不如詩詩不如文此英雄欺人不足信也王濟之云東海詩不苟作作必超詣豪宕擺脫近世尋常語王子衡云先生詩氣豪而逸發乎性情之正

詩話汝弼詩云酒杯不及陶彭澤詩法將隨陸放翁故其律體全學劍南如魚兒浦口酒船小燕子風前茶焙香酒遇故人隨量飲花當好處及時看自從都下三年別不寄江東一紙書孤

欽定四庫全書

明詩綜卷二十八

十三

艇夕陽荷葉亂小樓春雨杏花殷鬢毛零落風前鷺心緒悠揚簇上簷一頃新田收晚稻數椽茅屋補秋蘿浪花作雨汀煙濕沙鳥迎人水氣醒萋萋芳草日將暮點點飛花春可憐灤水入春冰半黑平山消雪草微青西飛白日忙於我南去青山冷笑人草露松風千里夢秋霜春雨百年心僧中今見大小朗世上爭傳長短歌霍光有傳何曾讀疏廣無金亦自歸可稱具體與定山輩專微擊壤者不同也

紅梅贈翁僉事

庾嶺小紅梅風標天下絕昨日幸同歡今日傷離別玉筵兩三聲吹落胭脂雪寫以贈知心相攜共明月

咏竹

擊節歌離騷湘靈招不得開門看月明幽篁倚蒼石春風千萬花花落春無跡此君冷淡姿常有好顏色

假髻曲

東家美人髮委地辛苦朝朝理高髻西家美人髮及肩買妝假髻亦峨然金釵寶鈿圍朱翠眼底何人辨真偽天桃窻下來春風假髻美人歸上公

宜興好寄弋陽尹李端卿兼東諸公

欽定四庫全書

明詩綜
卷二十八

十四

吳中山水宜興好曾在京華得飽聞踪跡十年嗟未到風煙一壑要平分筍饈茶塢銅官雨荷蓋蘭舟并瀝雲更問東坡田可贖便教兒子蚤耕耘

棠溪景

悠悠下村路望望皆煙樹何處讀書聲山禽忽飛去

送張維亨之沂州

瑯琊臺下看新晴聽得陽關第四聲千樹梅花滿城雪也應難比使君清

俞舜卿僉憲許柑未送詩以促之

南海黃柑未見分舉杯空望嶺頭雲元宵燈火相將近空手歸來惱細君

絕句

空濛山色晴還雨繚繞溪流直又斜短杖微吟過橋去東風滿路紫藤花

方文美畫

花落春歸客未歸仲宣樓上倚斜暉故園遙在三江外

欽定四庫全書

明詩綜
卷二十八

十五

綠遍薜蘿燕子飛

題畫

雲杉如薺屋如蚶詰曲溪流瀉碧潭獨立小橋吟不盡插天晴翠太湖南

賀 欽一首

欽字克恭廣寧人成化丙戌進士官給事中天啓初追謚恭定有醫問先生集

春晚

落盡羣芳枝已空游人枉自怨東風誰知寂寞幽園裏
猶著楸花一樹紅

林 瀚一首

瀚字亨大閩縣人成化丙戌進士歷官南京吏

部尚書贈太子太保諡文安有泉山集

詩話文安公父元美中永樂辛丑進士仕至撫
州守以循良聞公有子九人康懿文禧官皆至
尚書諸孫為尚書者復二人其他階大夫郎者
不數焉門閥可云盛矣公嫻於制舉藝吾鄉姚
處士濟哀集明一代時文三百八十八家特推公
為之首詩不耐深思然一門濟濟儒雅風流不

欽定四庫全書

明詩綜
卷二十八

十六

特三世五尚
書有集而已

寄鄭郎中

鳳臺一別四經秋羨子投閒未白頭為問濂江江上路

幾人煙雨櫂歸舟

李 傑十五首

傑字世賢常熟人成化丙戌進士改庶吉士授

編修累官禮部尚書贈太子太保諡文安有石

城山房橐

胡世高云宗伯詩文明暢醇雅渾厚
和平悲從經學流出未嘗為鈎棘說

亢之言以驚世取譽
自然從容於槩度中

詩話張年崖詩云獨恨太平無一事江南閑殺
老尚書虞山李文安以忤劉瑾致政歸築逸我
堂壘石為山暇游昆尚二湖賦詩云虞山山下
是吾廬三載接遲得自如却怪四方多事日江
南閑殺老尚書蓋其時山東江西四川湖廣盜
賊並起故為是言也文安不以詩名然與李文
正吳文定諸公酬和不輟其自序云余於詩文
初無師授亦未嘗規倣古人將以是名世但竊
祿詞垣公私所需不容已爾故意之所到信筆
書之未嘗刻苦思索必求其工也可謂得失寸
心知矣

早行舟中有作

欽定四庫全書

明詩綜
卷二十八

十七

荒雞一再號東方漸生白眾星尚駢羅天宇黯以黑晨
光正蒙昧莫辨河山色舟行趁潮長寧費牽挽力蘆汀
雁驚起鳴聲何噤噤輕颺拂涯樹涼露時一滴前村燈
火明茆屋疎林隔蓬窻攬衣坐悠然忘盥櫛宵征自可
怡此景更奇特

登泰山絕頂

五嶽鎮坤維其東雄泰岱巖巖一何高屹立霄漢外神
靈所攸鍾秩祀宜萬代我來屬深秋登陟覽勝概雲開

旭日升峰巒新染黛盤盤上澗谷石磴豁復隘涼颼起
虛谷颯颯響靈籟兩崖戢霜樹爛斑殊可愛五松非秦
封亦已類偃蓋躋攀入天門縹緲凌上界睇盼感廢興
喟然發長嘅七十二帝王封禪遺跡在玉檢時復出厓
礪亦殘壞茲山自今古直與穹壤配絕頂氣益清衣袂
浮沆瀣羣山紛後從歷歷同聚塊中原小如甌滄海縈
若帶置身九重近誰謂天下大吾言良匪誇聊以志一
快

泰山竹林寺與陳大參楊僉憲同遊

陟險千萬盤未識寺門處一澗委蛇來齒齒亂石聚飛
梁忽橫亘清泉下奔注其間有靈湫蛟龍所蟠據時經
不測谿心動髮毛豎肩輿尺寸進僕夫汗如雨我欲飛
步登厓傾足難駐青鞵與布襪惜不攜此具貪竒不知
止竟忘垂堂慮緬懷得一樂未足償千懼峰回見林薄
飄然發佳趣古殿三兩楹滿庭蔭高樹百果經秋霜甘
美皆可茹同行得二妙把酒勸酬屢酒酣陟嶺岼翼與

仙靈遇高寒覺衣單俯視飛鳥去白雲出巖阿英英若
春絮登臨興無限日暮歸何遽摹寫詎能窮率爾成短
句

秋崖

秋山鬱岌巖懸崖削如壁自非插羽翰可望不可即若
人何好奇捫蘿每登陟濕雲潤我衣落葉墮我幘逍遙
空青外似與塵世隔便欲御冷風飛行覽八極

題王孟端松泉圖次饒介之松濤韻

山椒怪石蹲如狶松崖巉巖不可梯蒼濤洶湧翻地軸
白日晦冥天為低高枝棲鵲巢欲墮哀鳴何處求其雌
初疑龍蛇相格鬪鱗鬣無乃多傷夷又疑羣仙互來往
翠旌羽節紛祁祁影作大陰連巨壑根蟠絕澗滋寒漪
何人圖此心獨苦九龍山人揮灑之筆端生意妙莫測
真宰上訴天應悲驚風颯若坐間起毛骨凜凜難禁吹
林泉逸趣我所嗜相對不覺心神馳世間真假俱一夢
以夢非夢良亦癡卧遊何必謝公屐千峰遍閱消移時

畢韋一去藝中絕後代未聞工者誰山人能事寧止此
布衣上結明主知圖窮載誦醉漁作此翁胸次亦已奇
歌聲悲壯意超脫不似杜老憂時危豈期兩美偶相合
有聲之畫無聲辭百年勝賞不易得俛仰忽復令人思
雪泥鴻爪宛然在風流雲往何由追後來視今今視昔
揮毫試和松濤詩

題謝廷循山水

峰高遲出日山氣曉氤氲葉潤林藏霧崖分谷吐雲客
衣晴亦濕瀑響遠逾聞茅屋依深樾逃虛羨隱君

遊靈谷次鄭司徒韻

吾愛山中筍蕨甜山靈况復不吾嫌日華濃染緋桃色
雲影輕籠翠柏尖尊酒興催詩興發管絃聲與鳥聲兼
韶光滿眼供春望分付奚奴為卷簾

過蔡村

白沙灘接綠楊堤遍野青黃麥秀齊萬雉都城天咫尺
幾家村落水東西濛濛細雨來帆重漠漠平蕪去鳥低

岐路年年成底事遣懷只合醉如泥

奉祀天壽山有序

五月十三日上以亢旱命臣傑祭告天壽山之
神晚至昌平雷雨忽作次日四鼓祀畢出陵月
色如畫歸至沙河回望西北諸山雲氣靉靄流
水已沒斷橋矣十六日京師雨十七日大雨畿
甸霑足賦詩志之

玄雲四合雨傾盆朝野歡騰頌至尊已藉靈祇通上帝
自應烈祖祐神孫禾苗漸發高低壠草樹重榮遠近村
猶記昨宵祠禱罷滿山明月照陵門

孔廟紀事次西涯李閣老韻

至聖由天縱斯人足典刑道高王只素文在簡猶青秩
祀從先代尊榮合萬齡廟堂森穆穆金碧煥熒熒回祿
噓妖沴炎光迫紫冥忽驚空邃宇倏已及前庭古壁殘
遺冊穹碑剝舊銘蒼煙隨燼滅焦塹逐風零寧記諸賢
像誰摹老檜形衣冠猶在望絲竹杳難聽驛報來東郡

封章入大廷聖情深隱惻睿旨重叮嚀祭告誠宜達趨
跼職所丁瞻依懷闕里對越想英靈大宅門墻峻高林
艸木馨尼山遙可覩泗水近須經衣露常沾潤帆風渺
御冷郵程占夜月征旆帶晨星傳詔修香幣騰書具鼎
鉶絕芽行漢禮作罷象周型祭統寧教墜天機自不停
春陽發壇杏和氣長階莫揆日營新制推波濯醜腥巖
巖增壯觀翼翼闕重局儒道今滋盛文風被八溟

題扇

欽定四庫全書

明詩歸
卷二十八

五

竹徑清陰合行行路欲迷仙家何處是只在石橋西

雜興

花霧曉濛濛落紅飛不起文采雙鴛鴦蕩漾綠池水

次徐文量主事韻

西風獵獵走驚沙歲晏登臨倍憶家爭似南州徐孺子
寒林匹馬看梅花

謝鄭東園惠荔枝用原韻

閩中佳品數方紅蜜漬鹽蒸恐未工曾聽詞林前輩說

岳李
方 葡萄風味略相同

題倪雲林竹

倚風寒翠不禁吹秋盡瀟湘暮雨時極目蒼梧魂欲斷
隔江休唱竹枝詞

徐恪一首

恪字公肅常熟人成化丙戌進士累官南京工

部右侍郎

朱仙鎮岳王祠

欽定四庫全書

明詩歸
卷二十八

五

汴洛淒涼寢廟空中原恢復仗英雄黃龍未遂長驅志
鐵馬猶傳轉戰功貌虎散歸烽戍老河山遺恨古今同
西風一掬懷賢淚灑向荒祠夕照中

陸容一首

容字文量太倉州人成化丙戌進士授南京吏
部主事改兵部坐言事出為浙江右叅政有式

齋集

詩話叅政與張亨父陸昂儀齋名號婁東三鳳
詩皆非所長式齋則至登第後始為之見所述

菽園雜記若其藏書之富見聞之周洽似非亨父鼎儀所能及也

感遇

松株青鬱鬱冬夏不改顏園工徇時好移栽盆盎間屈為虬龍形束縛苦不閒豈無培養恩適性良獨難吁嗟梁棟材誤作花艸看愛之不以道何如老空山

戴縉一首

縉南海人成化丙戌進士累官工部尚書

楚江旅懷

薄暮過瀟湘秋空楚水長黃蘆千里月紅葉萬山霜客夢懸雙闕鄉心逐五羊羈情誰與晤勞者若為傷

韓文二首

文字貫道洪洞人成化丙戌進士累官太子太保戶部尚書贈太傅諡忠定有質菴存豪何粹

先生詩溫如春風清如流水陰韻廣和至數十首而句穩意新無牽強重累之病如層濤疊浪可喜可愕而無一不出於自然

詩話忠定公餘即事吟咏集中十九皆七言近體取自怡悅而已

西藍禪院

西藍禪院夕陽開古殿碑殘畫雜苔霜冷松林無鳥宿月明竹徑有僧來霍山東抱諸峰合汾水西流九曲迴老去未忘憂國念浮雲直北望燕臺

羅漢院

寺近孤村路轉西小橋流水夕陽低經霜崖果猿偷摘欲暮風林鳥亂栖蛭粉尚留題壁字香灰半入種花泥箇中老衲耽幽寂不為登山不渡溪

陸淵之一首

淵之字克深上虞人成化丙戌進士歷官布政使有東皋集

黃鶴樓

落日江流帶女牆飛樓百尺俯蒼茫筵前却怪當年事鸚鵡何緣到楚鄉

潘蕃一首

蕃字廷芳崇德人成化丙戌進士累官南京刑

部尚書

詩話尚書敬歷中外於蜀於粵屢立戰功以忤劉瑾被逮與劉忠宣同戍甘肅瑾誅復官優游林下簡朴如貧士時人為之詩曰尚書歸來無第宅稅地種花兼種魚舉網打魚魚換酒花前醉倒老尚書

吳越戰場

吳越興亡宛目前游屯涇上艸芊芊夕陽滿地生寒色
野燒緣溪斷暮煙麋鹿歌臺今往矣鷓鴣舞殿亦淒然
祇餘賜劍當年恨惆悵東風哭杜鵑

顏瑄 三首

瑄字寶之江陰人成化丙戌進士官戶部主事

有一卷詩抄

詩話寶之賦才捷敏嘗即內兄夏希明座上令侍女喬妙福捧硯王碧雲展紙和香山琵琶行韻援筆成篇不竄一字詩多穠縟七律頗近錢郎

過沛縣

獨坐蓬窗對月明靜聞譙鼓已三更舟將泊處聞人語
驛未臨時見吏迎泗水亭前荒草遍歌風臺上宿雲平

英雄回首今何在撫景空懸萬古情

登鳳凰臺作

鳳凰臺上雨初收天際涼雲拂地流萬里關河明落照
九重宮闕動高秋青山近遶城頭路紅樹深藏驛外樓
莫怪臨岐重惆悵青袍三載此淹留

宿河西務

漠漠煙光漸欲昏人家一半掩柴門鼓聲近報沙邊驛
帆影遙連郭外村紅欵夕陽微有迹綠浮春水淨無痕

怪來野趣難消遣自倚蓬窗勸酒尊

樊阜 三首

阜字時登縉雲人成化戊子舉人官延平儒學

訓導有樊山摘橐

詩話括蒼山壤風雅之士寥寥獨縉雲樊氏門才頗盛時登而外曰敬公慎曰叔公倫曰源時濟曰通時亨曰昌永盛曰甫永美曰貴永芳曰鐸伯廣皆能詩叙有用拙橐源有竹軒橐昌有友菊詩甫有硯標集貴有桂岡集鐸有畏齋存橐惜乎流傳者寡矣

田間雜咏